



Falënderimet i takojnë Allahut ndërsa përshëndetjet qofshin mbi zotëriun tonë, Muhammed Mustafanë, familjen, shokët dhe tërë pasuesit e tij, më pas: Transmetojnë Buhariu ne Sahihun e tij dhe Imam Ahmedi ne Musnedin e tij nga Ebu Seid El Hudrijj, i cili ka thënë: “Ju po i bëni disa gjera, që në sytë tuaj janë më të imta se sa fija e flokut ndërsa ne në kohën e Pejgamberit, alejhi selam i konsideronim si mëkate shkatërruese”.

Ky hadith na përshkruan qarte gjendjen e kohës sonë, ku mëkati i vogël nuk llogaritet fare për mëkat, madje, një shumicë e madhe e njerëzve nuk interesohen fare për mëkatet dhe gabimet te cilat i bëjnë përditë.

Fatkeqësisht, shfajësuar disa njerëz të injorojnë disa mëkate edhe pse ato si të tilla janë prej mëkateve të mëdha, madje, i kryejnë ato mëkate duke mos ndier fare se ata janë duke bere mëkate dhe as që i mundon ndërgjegjja ndërsa për keqardhje për bërjen e atij mëkati as që iu bie ndërmend, kurse keqardhja është prej kushteve të pendimit, siç thotë Muhammedi, alejhi selam: “Keqardhja është pendim”. (Sahihul Xhamii)

Kjo tradite e shëmtuar njeriut ia humb shansin e pendimit dhe kërkimit falje, që siç thotë Pejgamberi, alejhi selam është shume e shanse e mire. Në një hadith të vërtetë thotë: “Meleku, i cili shënon veprat e këqija e ngrit lapsin e tij gjashte ore nga njeriu gabimtar; nëse ndien keqardhje për mëkat dhe kërkon falje për mëkat, atëherë ai e hedh lapsin (dhe nuk e shkruan mëkatin), në të kundërtën, i shkruhet një mëkat”. (Sahihul Xhamii)

Mu për këtë të nderuar vëllezër dhe të nderuara motra, ne, pasi që të bëjmë mëkat, duhet që të mos e zhytim kokën tonë ne dhe sikurse struci (shpend), por në vend të kësaj, duhet ta pranojmë mëkatin dhe të ndiejmë keqardhje (pishmanllëk) për të.

Le ta dije çdokush se marrja e mëkatit për të vogël njeriu nuk i sjell njeriut dobi dhe as që ia lehtëson barrën, përkundrazi, ia shton atë ngase ai ka marre si të parëndësishme ndalesat e Allahut të Madhërishëm si dhe ka shkelur ato.

Rruga e vërtet për faljen e tyre është keqardhja dhe pendimi, në mënyrë që muslimani të përfitojë nga gjerësia e mëshirës së Allahut të Madhëruar, madje pasimi i kësaj rruge, atij ia garanton shpëtimin prej dënimit të Allahut Fuqiplote.

E lusim Allahun me emrat e Tij të bukur dhe me cilësitë e Tij të përkryera që ta pranojë pendimin tonë dhe të na sjell dobi në të gjithë muslimanëve nga këto fjale modeste, të na bashkojë në Xhennetin e Tij si dhe të na fusë në Xhennet pa llogari!!!

Shkroi: Ahmed El Aradi

Përshtati në shqip: [Sedat Gani Islami](#)

Burimi: www.twbh.com